

Na osnovu člana 30. Zakona o zaštiti zraka („Službene novine FBiH“, broj 33/03 i 4/10) i Plana interventnih mjera u slučajevima prekomjerne zagađenosti zraka na području ZE-DO kantona (Službene novine ZE-DO kantona broj: 15/09), te člana 36.tačka 6. Statuta općine Zenica („Službene novine općine Zenica“ broj 4/08) i člana 15. Odluke o organizaciji općinske uprave („Službene novine općine Zenica“ broj 3/02) Načelnik općine, d o n o s i

RJEŠENJE

o imenovanju članova Operativnog štaba općine Zenica za primjenu Plana interventnih mjera

I

U cilju rješavanja prekomjerne zagađenosti zraka na području općine Zenica prema Planu interventnih mjera u slučajevima prekomjerne zagađenosti zraka na području općine Zenica, imenuje se Operativni štab općine Zenica u sastavu:

1. Načelnik općine Zenica
2. Načelnik Policijske Uprave I Zenica
3. Pomoćnik ministra Ministarstva za prostorno uređenje, promet i komunikacije i zaštitu okoline ZDK – rukovodilac Sektora za zaštitu okoline
4. Pomoćnik Načelnika za civilnu zaštitu
5. Direktor Kantonalnog zavoda za javno zdravstvo Zenica
6. Direktor Metalurškog Instituta „Kemal Kapetanović“
7. Direktor Federalnog hidrometeorološkog zavoda BiH
8. Pomoćnik Načelnika za komunalne poslove i ekologiju
9. Pomoćnik Načelnika za inspeksijske poslove
10. Šef odsjeka za poslove protokola općine Zenica
11. Predstavnici Komisije za praćenje stanja okoliša:
 - Jusuf Duraković
 - Fahrudin Duran
12. Predsjednik Foruma građana Zenice
13. Predsjednik Eko foruma Zenica

II

Predsjednik Operativnog štaba je Načelnik općine Zenica.

III

Općinski Načelnik na osnovu prikupljenih podataka mjerenja kvaliteta zraka dobivenih od stručnih i ovlaštenih institucija proglašava epizodu pripravnosti, odnosno prvu epizodu prekomjernih koncentracija zagađujućih materija u zraku i odlučuje o potrebi sazivanja i početka djelovanja Operativnog štaba za primjenu mjera u slučajevima druge i treće epizodne situacije, odnosno epizode upozorenja i uzbune.

IV

Ovlaštenja i dužnosti Operativnog štaba za primjenu Plana su:

- Primjena Plana interventnih mjera kad nastupi epizoda upozorenja i epizoda uzbune,
- Procjena rizika i opasnosti uslijed trajanja određene epizode,
- Usklađivanje mjera u primjeni Plana interventnih mjera,
- Procjena i obezbjeđenje sredstava u posebnim situacijama,
- Donošenje odluke o prestanku primjene Plana interventnih mjera,
- Obavještenje javnosti,
- Preduzimanje drugih mjera utvrđenih Planom interventnih mjera.

V

Tehničke i administrativne poslove u vezi sa primjenom Plana obavlja stručna služba Općine – Služba za komunalne poslove i ekologiju.

VI

Stupanjem na snagu ovog rješenja stavlja se van snage rješenje br. 02-49-3663/10 od 02.03.2010. godine.

VII

Ovo rješenje stupa na snagu danom donošenja i objaviti će se u „Službenim novinama općine Zenica“.

Broj: 02- 44-1063/ 14
Zenica, 23.01.2014.godine.

DOSTAVLJENO:

- 1x Članovima Operativnog štaba
- 1x Služba za komunalne poslove i ekologiju
- 1x „Službene novine općine Zenica“
- 1x Stručna služba Vijeća i Načelnika
- 1x a/a



NAČELNIK OPĆINE

Husejin Smajlović